

# Հայաստանի Հանրապետության կառավարության 2023 թվականի հուլիսի 27-ի N 1284-L որոշման մեջ փոփոխություններ և լրացումներ կատարելու մասին որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«\_\_» \_\_\_\_\_ 2024 թվական N \_\_ -L

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2023 ԹՎԱԿԱՆԻ ՀՈՒՆԻՍԻ  
27-Ի N 1284-L ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ  
ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2023 թվականի հուլիսի 27-ի «Հայաստանի Հանրապետությունում ջերմատնային տնտեսությունների զարգացման աջակցության ծրագիրը հաստատելու մասին» N 1284-L որոշման մեջ (այսուհետ՝ Որոշում) կատարել հետևյալ փոփոխությունները և լրացումները.

1) Որոշման նախաբանը «21-րդ մասը» բառերից հետո լրացնել «, ինչպես նաև «Հայաստանի Հանրապետության 2024 թվականի պետական բյուջեի մասին» օրենքի 9-րդ հոդվածի 21-րդ մասը» բառերով.

2) Որոշման հավելվածի (այսուհետ՝ Հավելված) 7-րդ կետը լրացնել հետևյալ բովանդակությամբ նոր 5-րդ ենթակետով.

«5) նախարարության «Գյուղական տարածքների տնտեսական զարգացման ծրագրերի իրականացման գրասենյակ» պետական հիմնարկի գյուղական ֆինանսավորման կառույցը (այսուհետ՝ ԳՖԿ):».

3) Հավելվածի 8-րդ կետի 4-րդ ենթակետը «ջերմատան» բառից հետո լրացնել «արտադրական» բառով.

4) Հավելվածի 8-րդ կետը լրացնել հետևյալ բովանդակությամբ նոր 10-րդ և 11-րդ ենթակետերով,

«10) ծրագիրը պետք է իրականացվի կապալառու կազմակերպության միջոցով (ներառյալ անհրաժեշտ միջոցների ձեռքբերումը և աշխատանքների իրականացումը): Շահառուն կապալառու կազմակերպության հետ պայմանագիրը պետք է կնքի վարկային պայմանագիրը կնքելուց հետո.

11) շահառուն վարկային պայմանագրի գործողության ընթացքում չի կարող օտարել անշարժ գույքը (հողամասը կամ ջերմատունը) և միայն նախարարության համաձայնությամբ այն կարող է գրավադրել, եթե ստացված ֆինանսական միջոցները ուղղվելու են բացառապես ջերմատնային տնտեսության հիմնմանը և զարգացմանը: Ընդ որում, գրավառուի կողմից անշարժ գույքի օտարման ժամանակ (նախարարության համաձայնությամբ) ստացված ֆինանսական միջոցները առաջնահերթ պետք է ուղղվեն վարկի տոկոսադրույքի սուբսիդավորման գումարի չափով պետության հանդեպ շահառուի պարտավորությունների մարմանը: Գրավառուի կողմից անշարժ գույքի օտարման դեպքում, վարկի տոկոսադրույքի սուբսիդավորման գումարի պահանջի վերաբերյալ գրավոր հարցումը նախարարությանը պետք է իրականացվի գրավառուի կողմից և նախարարությունը գրավառուին պետք է տրամադրի գրավոր տեղեկատվություն՝ վարկի տոկոսադրույքի սուբսիդավորման գումարի չափի վերաբերյալ:».

5) Հավելվածի 9-րդ կետը լրացնել հետևյալ բովանդակությամբ նոր 8-րդ ենթակետով.

«8) շահառուի կողմից կատարված ջերմատան կառուցման ծախսերը 1 քառ. մ-ի հաշվով չեն կարող գերազանցել ծրագրի N 2 աղյուսակի առանձին տողերում ներկայացված, գնահատված ծախսերի սահմանաչափերը:».

6) Հավելվածի 10-րդ կետի 3-րդ ենթակետը լրացնել հետևյալ բովանդակությամբ նոր գ) պարբերությամբ.

«գ) 8-րդ կետի 10-րդ ենթակետում նշված կապալառուի հետ կնքված պայմանագիրը:».

7) Հավելվածի 11-րդ կետի 3-րդ ենթակետի 1-ին և 2-րդ նախադասություններում «նախարարություն» բառը իր հոլովածներով փոխարինել «ԳՖԿ» բառով՝ համապատասխան հոլովածներով, իսկ 3-րդ նախադասությունում «նախարարությունը» բառը փոխարինել «ԳՖԿ-ն՝ համաձայնեցնելով նախարարության հետ» բառերով.

8) Հավելվածի 11-րդ կետի 4-րդ ենթակետը շարադրել հետևյալ խմբագրությամբ.

«4) ֆինանսական կառույցը նախորդ ամսվա վարկի տոկոսադրույքի սուբսիդավորման հայտը ԳՖԿ-ին է ներկայացնում ոչ ուշ, քան հաջորդ ամսվա հինգերորդ աշխատանքային օրը: ԳՖԿ-ն հայտն ստանալուց հետո 5 աշխատանքային օրվա ընթացքում ֆինանսական կառույցի հետ ճշգրտում է հայտերը, ստուգում է ծրագրի պահանջներին համապատասխանությունը և դրական եզրակացության դեպքում ներկայացնում նախարարություն, որը 5 աշխատանքային օրվա ընթացքում հաշվառում է ԳՖԿ-ից ստացված հայտերը և վարկի տոկոսադրույքի սուբսիդավորման գումարը փոխանցում է ԳՖԿ-ին, որն

Էլ 5 աշխատանքային օրվա ընթացքում գումարը փոխանցում է համապատասխան ֆինանսական կառույցի հաշվեհամարին: Հայտը՝ ծրագրի պահանջներին չբավարարելու դեպքում ԳՖԿ-ն երեք աշխատանքային օրվա ընթացքում պարտավոր է տեղյակ պահել ֆինանսական կառույցին՝ նշելով չբավարարման հիմքերը.:

9) Հավելվածի 11-րդ կետի 5-րդ և 6-րդ ենթակետերի ամբողջ տեքստում «Նախարարություն» բառը իր հոլովածներով փոխարինել «ԳՖԿ» բառով՝ համապատասխան հոլովածներով.

10) Հավելվածի 11-րդ կետը լրացնել հետևյալ բովանդակությամբ նոր 7-րդ և 8-րդ ենթակետերով.

«7) ԳՖԿ-ն ամսական պարբերականությամբ հաշվետվություն է ներկայացնում նախարարություն.

8) հաշվետվությունը պետք է պարունակի մանրամասն տեղեկատվություն ծրագրի ընթացքի մասին, այդ թվում՝

ա. վարկերի մասին՝ ըստ մարզերի և համայնքների, շահառուների անձնական ու կոնտակտային տվյալների, վարկի գումարի, վարկի տոկոսադրույքի սուբսիդավորման գումարի, ջերմատների տարածքների մասին.

բ. տեղեկատվություն ֆինանսական կառույցի կողմից իրականացված մոնիթորինգի արդյունքների և հայտնաբերված խախտումների մասին.:

11) Հավելվածի Աղյուսակ N 2-ի 2.1\*\*\* տողից հանել «Այլ ծախսեր, այդ թվում» բառերը:

2. Սույն որոշումն ուժի մեջ է մտնում հրապարակմանը հաջորդող օրվանից: